



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ՎԱՅՈՑ ՁՈՐԻ ՄԱՐԶՊԵՏ

Ո Ր Ո Շ ՈՒ Մ

« 09 » հունիս 2021թ.

N 73 Ա

ՀՀ ՎԱՅՈՑ ՁՈՐԻ ՄԱՐԶՊԵՏԱՐԱՆԻ ԿԱՌՈՒՑՎԱԾՔԱՅԻՆ
ՍՏՈՐԱԲԱԺԱՆՈՒՄՆԵՐԻ ԳՈՐԾՈՒՆԵՈՒԹՅԱՆ ՀԱՄԱԿԱՐԳՄԱՆ
ԳՈՐԾԱՌՈՒՅԹՆԵՐՆ ԸՍՏ ԲՆԱԳԱՎԱՌՆԵՐԻ ԲԱՇԽԵԼՈՒ ԵՎ ՀՀ ՎԱՅՈՑ
ՁՈՐԻ ՄԱՐԶՊԵՏԻ 2008 ԹՎԱԿԱՆԻ ԱՊՐԻԼԻ 15-Ի ԹԻՎ 27 ՈՐՈՇՈՒՄՆ
ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ

Ղեկավարվելով «Կառավարչական իրավահարաբերությունների կարգավորման մասին» Հայաստանի Հանրապետության օրենքի 16-րդ հոդվածի 1-ին, 5-րդ և 6-րդ մասերով, «Տարածքային կառավարման մասին» Հայաստանի Հանրապետության օրենքի 5-րդ հոդվածի 3-րդ մասով, «Նորմատիվ իրավական ակտերի մասին» Հայաստանի Հանրապետության օրենքի 37-րդ հոդվածի 1-ին մասով՝

ՈՐՈՇՈՒՄ ԵՄ

1. Մարզպետարանի առանձին բնագավառների գործառույթներն ապահովող կառուցվածքային ստորաբաժանումների գործունեության համակարգումը բաշխել մարզպետի տեղակալների և մարզպետարանի գլխավոր քարտուղարի միջև՝ համաձայն թիվ 1 հավելվածի:
2. Հաստատել մարզպետի տեղակալների կողմից իրականացվող ընդհանուր բնույթի գործառույթները՝ համաձայն թիվ 2 հավելվածի:
3. Ուժը կորցրած ճանաչել ՀՀ Վայոց ձորի մարզպետի 2008 թվականի ապրիլի 15-ի «Հայաստանի Հանրապետության Վայոց ձորի մարզպետի, մարզպետի տեղակալների միջև բնագավառների պարտականությունների բաշխման մասին» թիվ 27 որոշումը:

4. Սույն որոշման կատարման հսկողությունն իրականացվում է ՀՀ Վայոց ձորի մարզպետի կողմից:
5. Որոշումն ուժի մեջ է մտնում ստորագրման պահից:

10.06.2021

X 

ՆԱՆԵ ԱՍԱՏՐՅԱՆ

Signed by: ASATRYAN NANE 7604820042



Ա. ԳՐԵԳՈՐՅԱՆ

Հավելված թիվ 1՝ ՀՀ Վայոց ձորի մարզպետի
2021թ. հունիսի 09-ի թիվ 73-Ա որոշման



**Մարզպետի տեղակալների և մարզպետարանի գլխավոր քարտուղարի միջև
մարզպետարանի առանձին բնագավառների գործառույթներն ապահովող
կառուցվածքային ստորաբաժանումների գործունեության համակարգման բաշխում**

1. Մարզպետի տեղակալ Դ. Սարգսյան

- 1) Քաղաքաշինություն,
- 2) գյուղատնտեսություն և բնապահպանություն,
- 3) տեղական ինքնակառավարում և հանրապետական գործադիր մարմինների
հարցեր,
- 4) քարտուղարություն,
- 5) հողաշինություն և հողօգտագործում:

2. Մարզպետի տեղակալ Ն. Ասատրյան

- 1) Կրթություն, մշակույթ և սպորտ,
- 2) առողջապահություն և սոցիալական ապահովություն,
- 3) ընտանիքի, կանանց և երեխաների իրավունքների պաշտպանություն,
- 4) գորահավաքային նախապատրաստություն,
- 5) զարգացման ծրագրեր, զբոսաշրջություն և վերլուծություն,
- 6) տեղեկատվություն և հասարակայնության հետ կապեր:

3. Մարզպետարանի գլխավոր քարտուղար

- 1) Ֆինանսական և սոցիալ-տնտեսական զարգացում,
- 2) իրավաբանություն,
- 1) անձնակազմի կառավարում:

Հավելված թիվ 2 ՀՀ Վարչոց ձորի մարզպետի
2021թ. հունիսի 09-ի թիվ 73-Ա որոշման



Մարզպետի տեղակալների կողմից իրականացվող ընդհանուր բնույթի գործառույթներ

1. Համակարգում են մարզպետարանի աշխատանքները մարզպետի կողմից իրականացվող քաղաքականության՝ իրենց հանձնարարված բնագավառներում:
2. Իրենց լիազորությունների սահմաններում համակարգում են մարզպետին վերապահված բնագավառների քաղաքականության ապահովումը մարզպետարանի համապատասխան կառուցվածքային ստորաբաժանումների միջոցով, տալիս են ցուցումներ և հանձնարարականներ:
3. Վերահսկում են հանձնարարականների կատարումը:
4. Կազմակերպում են նախնական քննարկումներ մարզպետի մոտ քննարկվելիք հարցերի վերաբերյալ:
5. Իրականացնում են աշխատանքներ մարզպետի հանձնարարականների մասնագիտական ուսումնասիրությունների ու վերլուծությունների ուղղությամբ, ներկայացնում են համապատասխան տեղեկանքներ:
6. Պարբերաբար մարզպետին են ներկայացնում տեղեկատվություն՝ իրենց ամրագրված բնագավառներում տիրող վիճակի մասին:
7. Մարզպետի հանձնարարությամբ իրականացնում են այլ գործառույթներ: